

摛藻堂四庫全書薈要

集部

欽定四庫全書
欽定全唐詩卷一萬七千四百四十三

集部

御定全唐詩卷三十八

蕭德言

蕭德言字文行雍州長安人貞觀中著作郎兼弘文館學士博涉經史晚尤篤志於學自畫達夜略無休倦每開五經必束帶盥濯危坐對之為春宮侍讀拜秘書少監高宗以師傳恩加銀青光祿大夫集三十卷今存詩一首

詠舞

低身鏘玉珮舉袖拂羅衣對簷疑燕起映雪似花飛

鄭世翼

一作
鄭翼

鄭世翼滎陽人弱冠有盛名武德中歷萬年丞揚州錄事參軍數以言辭忤物貞觀中坐怨謗流嶲州卒集多遺失今存詩五首

過嚴君平古井

嚴平本高尚遠蹈古人風賣卜成都市流名大漢中舊

升改人世寒泉久不通年多既罷汲一作渫無禽乃遂空
如何屬秋氣唯見落雙桐

登北邙還望一作至京洛

步登北邙坂踟蹰聊寫望宛洛盛皇居規模窮大壯三
河分設險兩崤資巨防飛觀紫煙中層臺碧雲上青槐
夾馳道迢迢修且曠左右多第宅參差居將相清晨謁
帝返車馬相追訪胥徒各異流文物紛殊狀竚塵暗天
起簫管從風颺伊余孤忠一作且直生平獨淪喪山幽有

桂叢何為坐惆悵

巫山高

巫山凌太清，峩峩堯類削。
成霏霏暮雨合，靄靄朝雲生。
危峰入鳥道，深谷寫猿聲。
別有幽棲客淹留，攀桂情。

看新婚

初笄夢桃李，新妝應標梅。
疑逐朝雲在，翻隨暮雨來。
雜珮含風響，叢花隔扇開。
姮娥對此夕，何用久裴回。

見佳人負錢出路

獨負千金價應從買笑來祇持難發口經為幾人開

崔信明

崔信明青州益都人博聞彊記下筆成章大業中令堯
城竇建德招之不屈去隱太行山貞觀中應詔舉終秦

川令詩一首

送金竟陵入蜀

金門去蜀道玉壘望長安豈言千里遠方尋九折難西
上君飛蓋東歸我挂冠猿聲出峽斷月彩落江寒從今

與君別花月幾新殘

句

楓落吳江冷

新唐書云信明塞倣自伐譽謂過李百藥議者不許鄭世翼亦倣倨數佻輕忤物遇信明江中謂之曰聞公有楓落吳江冷願見其餘信明欣然多出衆篇世翼覽未終曰所見不逮所聞投諸水引舟去

孔紹安

孔紹安越州山陰人陳尚書奐之子少誦古文集數十萬言外兄虞世南歎異之與詞人孫萬壽篤忘年好時

人稱為孫孔隋末為監察御史歸唐拜內史舍人恩禮甚厚嘗詔撰梁史未成而卒有文集五十卷今存詩七首

侍宴詠石榴

本傳云大業末高祖討賊河東紹安以監察御史為監軍深見接遇

及受禪間行來奔拜內史舍人時夏侯端亦嘗監高祖軍先紹安歸朝授秘書監紹安因侍宴

詠石榴詩

時人稱之

可惜中庭樹移根逐漢臣只為來時晚花開不及春

詠天桃

結葉還臨影飛香欲半空不意餘花落翻沈露井中

贈蔡君

疇昔同幽谷伊爾遷喬木赫奕盛青紫討論窮簡牘

結客少年場行

結客佩吳鉤橫行度龍頭鴈在弓前落雲從陣後浮吳
師驚燧象燕將警奔牛轉蓬飛不息冰河結未流若使

三邊定當封萬戶

一作里

侯

傷顧學士

迢遞雙嶠道超忽三川濱此中俱失路思君不可思邈
人行變橘逝者遽焚芝憶昔江湖上同詠子衿詩何言
陵谷徙翻驚鄰笛悲陳根非席卉總帳異書帷與善成
空說殲良信在茲今日嚴夫子哀命不哀時

別徐允元秀才

金湯既失險玉石乃同焚墜葉還相覆落羽更為羣豈
謂三秋節重傷一作陽千里分遠離弦易轉幽咽水難聞

欲識相思處山川間白雲

落葉一作孔
德絳詩

早秋驚落葉飄零似客心飄飛未肯下猶言惜故林

謝偃

謝偃衛縣人本姓直勒氏仕隋為散從正員外貞觀初應詔對策及第駕幸東都詔求直諫偃極言得失太宗稱美引為弘文館直學士為塵影二賦甚工嘗奉詔撰述聖賦又獻惟皇誠德賦以申諷時李百藥工五言詩偃善作賦時人稱為李詩謝賦出為湘潭令集十卷今

存詩四首

踏歌詞三首

春景嬌春臺新露泣新梅春葉參差吐新花重疊開花
影飛鶯去歌聲度鳥來倩看飄飄雪何如舞袖迴
逶迤度香閣顧步出蘭闈欲繞鴛鴦殿先過桃李蹊風
帶舒還卷簪花舉復低欲問今宵樂但聽歌聲齊
夜久星沈沒更深月影斜裙輕纔動珮鬟薄不勝花細
風吹寶袂輕露濕紅紗相看樂未已蘭燈照九華

樂府新歌應教

郭茂倩樂
府作新曲

青樓綺閣已含春凝粧艷粉復如神細細輕裙一作裾全

漏影離離薄扇詎障塵樽中酒色恒宜滿曲裏歌聲不

厭新紫燕欲飛先繞棟黃鶯始哢即嬌人撩亂垂絲昏

柳陌參差濃葉暗桑津上客莫畏斜光晚自有西園明

月輪

蔡允恭

蔡允恭荊州江陵人有丰采善綴文仕隋歷著作佐郎

起居舍人煬帝屬辭賦多令諷誦之入唐為文學館學士貞觀初除太子洗馬集二十卷今存詩一首

奉和出頴至淮應令

在隋時作

久倦川塗曲忽此望淮圻波長泛蓀蓀眺迥情依依稍覺金烏轉漸見錦帆稀欲知仁化洽謳歌滿路歸

杜之松

杜之松博陵曲阿人隋起居舍人貞觀中為河中刺史嘗答王績書云康成道重不許太守稱官老萊家居羞

與諸侯為伍僕豈不能正平公之坐敬養亥唐屈文侯
之膝恭師子夏其雅尚可知矣詩一首

和衛尉寺柳

漢將本屯營遼河有戍城大夫曾取姓先生亦一作得

曹

得

名高枝拂遠鴈疎影度遙星不辭攀折苦為入管絃聲

崔善為

崔善為貝州武城人善歷數仕隋為文林郎嘗領丁匠
五百人營仁壽宮楊素為總監來按實善為持簿暗唱

五百人無一差失素大驚稍遷樓煩司戶書佐密勸高祖舉義旗兵起署為大將軍府司戶參軍轉尚書左丞貞觀中歷大理司農二卿出為秦州刺史詩二首

答王無功冬夜載酒鄉館

頒條忝貴郡懸榻久相望處士同楊鄭邦君謝李疆詎知方擁篲逢子敬惟柔明朝蓬戶側會自謁任棠

答王無功九日

秋來菊花氣深山客重尋露葉疑涵玉風花似散金摘

來還泛酒獨坐即徐斟王弘貪自醉無復覓楊林

朱仲晦

朱仲晦王績鄉人詩一首

答王無功問故園

我從銅州來見子上京客問我故鄉事慰子羈旅色子
問我所知我對子應識朋遊總強健童稚各長成華宗
盛文史連牆富池亭獨子園最古舊林間新垌柳行隨
隄勢茅齋看地形竹從去年移梅是今年榮渠水經夏

響石苔終歲青院果早晚熟林花先後明語罷相歎息
浩然起深情歸哉且五斗餉子東臯耕

王宏

王宏濟南人與太宗幼日同學問為八體書及帝即位
因訪鄉人竟傳隱去詩一首

從軍行

兒生三日掌上珠燕領猿肱碨李膚十五學劒北擊胡
卷歌燕筑送城隅城隅路接伊川驛河陽渡頭邯鄲陌

可憐年少把手時黃鳥雙飛梨花白秦王築城三千里
西自臨洮東遼水山邊疊疊黑雲飛海畔莓莓青草死
從來戰鬪不求勲殺身為君君不聞鳳皇樓上吹急管
落日裴回腸先斷

朱子奢

朱子奢蘇州人善文辭通春秋貞觀時累官諫議大夫
弘文館學士為人樂易能劇談以經義緣飾每侍宴帝
令與羣臣論難皆莫能及詩一首

文德皇后挽歌

神京背紫陌
縞駟結行輶
北去橫橋道
西分清渭流
寒光向壘沒
霜氣入松楸
今日泉臺路
非是濯龍遊

張文收

張文收貝州人
善音律貞觀初
授協律郎咸寧中
遷太子率更令
撰新樂書十二卷
存詩一首

大酺樂

淚滴珠難盡
容殘玉易銷
倘隨明月去
莫道夢魂遙

毛明素

毛明素貞觀中人詩一首

與琳法師

貞觀十一年法師
幽繫故致詩焉

治長倦繅紺韓安歎死灰始驗山中木方知貴不材

御定全唐詩卷三十八

欽定四庫全書
欽定全唐詩卷一萬七千四百四十四集部

御定全唐詩卷三十九

陳子良

陳子良吳人在隋時為楊素記室入唐官右衛率府長史與蕭德言庾抱同為隱太子學士貞觀六年卒集十卷今存詩十三首

上之回

承平重遊樂詔蹕上之回屬車響流水清笳轉落梅嶺

雲蓋道轉巖花映綬開下輦便高宴何如在瑤臺

新成安樂宮

一作新
宮詞

春色照蘭宮秦女坐牕中柳葉來眉上桃花落臉紅拂塵開扇匣卷帳却薰籠衫薄偏憎日裙輕更畏風

夏晚尋于政世置酒賦韻

聊從嘉遯所酌醴共抽簪以茲山水地留連風月心長榆落照盡高柳暮蟬吟一返桃源路別後難追尋

入蜀秋夜宿江渚

我行逢日暮弭櫂獨維舟水霧一邊起風林兩峯秋山
陰黑斷磧月影素寒流故鄉千里外何以慰羈愁

賦得妓

金谷多歡宴佳麗正芳菲流霞席上滿回雪掌中飛明
月臨歌扇行雲接舞衣何必桃將李別有代春暉

訶蕭侍中春園聽妓

一作李元操詩

微雨散芳菲中園照落暉紅樹搖

一作遍

歌扇綠珠飄舞

衣繁弦調對酒雜引動思歸愁人當此夕羞見落花飛

遊俠篇

一作俠
客行

洛陽麗春色遊俠騁輕肥水逐車輪轉塵隨馬足飛雲影遙臨蓋花氣近薰衣東郊鬪雞罷南皮射雉歸日暮河橋上揚鞭惜晚暉

春晚看羣公朝還人為八韻

遊子惜春暮策杖出蒿萊正直康莊晚羣公謁帝迴履度南宮至車從北闕來珂影傍明月笳聲動落梅迎風采旄轉照日綬花開紅塵掩鶴蓋翠柳拂龍媒綺雲臨

舞閣丹霞薄吹臺輕肥寧所羨未若反山隈

讚德上越國公楊素

君侯稱上宰命世挺才英本超騏驥足復蘊風雲情纏藻掞錦綺育德潤瑤瓊已踰四知舉非無三傑名濟世同舟楫匡政本阿衡雍容入青瑣肅穆侍丹楹桂宮擅鳴珮槐路獨飛纓高門羅虎戟綺閣麗彤裳金樽酌湛湛歌扇掩盈盈匈奴軼燕薊烽火照幽并天子命薄伐受胙事專征七德播雄畧十萬騁行兵鴈行蔽虜甸魚

貫出長城交河方飲馬瀚海盛揚旌拔劍倚天外蒙犀
輝日精彎弧穿伏石揮戈斬大鯨鼓鼙朝作氣刀斗夜
偏鳴六郡多壯士三邊豈足平嶺雲朝合陣山月夜臨
營胡塵暗馬色芳樹動笳聲關雲未盡散塞霧常自生
川長蔓草綠峯迥雜花明小人愧王氏雕文慙馬卿濫
此叨書記何以謝過榮高山徒仰止終是恨才輕

於塞北春日思歸

我家吳會青山遠他鄉關塞白雲深為許羈愁長下淚

那堪春色更傷心驚鳥屢飛行失侶落花一去不歸林
如何此日嗟遲暮悲來還作白頭吟

送別

落葉聚還散征禽去不歸以我窮途泣沾君出塞衣

七夕看新婦隔巷停車

以下二首一
作陳伯材詩

隔巷遙停幘非復為來遲只言更尚淺未是渡河時

詠春雪

光映妝樓月花承歌扇風欲妬梅將柳故落早春中

庚抱

庚抱潤州江寧人有學術隋元德太子學士高祖初起
隱太子引為隴西公府記室文檄皆出其手轉太子舍
人集十卷今存詩五首

驄馬

櫪上浮雲驄本出吳門中發跡來東道長鳴起北風迴
鞍拂桂白頰汗類塵紅滅沒徒留影無因圖漢宮

別蔡參軍

人世多飄忽溝水易西東今日歡娛盡何年風月同悲
生萬里外恨起一杯中性靈如未失南北有征鴻

賦得胥臺露

胥臺既落構荆棘稍侵扉棟拆連雲影梁摧照日暉翔
鶴逐不及巢燕反無歸唯有園階露承曉共沾衣

臥痾喜霽開扉望月簡宮內知友

秋雨移弦望疲痾倦苦辛忽對荆山璧委照越吟人高
高侵地鏡皎皎徹天津色麗班姬篋光潤洛川神輪輝

池上動桂影隙中新懷賢雖不見忽似暫參辰

和樂記室憶江水

遙想觀濤處猶意採蓮歌無因關塞葉共下洞庭波

馬周

馬周字賓王清河茌平人孤貧好學尤精詩傳初入關
舍中郎將常何家貞觀中代為草疏何武人上怪其能
對以臣家客馬周為之名見大悅授監察御史數言事
無不嘉納累遷中書令太宗嘗賜以飛白書曰鸞鳳凌

雲必資羽翼股肱之寄誠在忠良集十卷今存詩一首

凌朝浮江旅思

一作韋承慶詩

太清一作天晴上初日春水送孤舟山遠疑無樹潮平似不

流岸花開且落江鳥沒還浮羈望傷千里長歌遣四

一作

客愁

句

何惜鄧林樹不借一枝棲

出冊府元龜與

李義甫句相似

來濟

來濟江都人隋大將軍護之子也字文化及之難護匿
門遇害濟流離艱險篤志好學舉進士貞觀中初置太
子司議郎妙選人望遂以濟為之遷中書舍人與令狐
德棻等同撰晉書永徽中拜中書令出為庭州刺史與
突厥戰陣沒集三十卷今存詩一首

出玉關

歛轡遵龍漢銜悽度玉關今日流沙外垂涕念生還

張文恭

張文恭貞觀時人與房玄齡李懷儀趙弘智劉禕之陽
仁卿上官儀李淳風等同修晉書詩二首

七夕

鳳律驚秋氣龍梭靜夜機星橋百枝動雲路七香飛映
月迴雕扇凌霞一作雲曳綺衣含情向華幄一作帳流態入
重闈歡餘夕漏盡怨結曉駘歸誰念分河漢還憶兩心

違

佳人照鏡

倦采靡蕪葉貪憐照膽明兩邊俱拭淚一處有啼聲

薛元超

薛元超收之子九歲襲父爵及長好學善屬文太宗重
之令尚和靜縣主累授太子舍人與修晉書高宗時累
擢中書舍人所薦士若任希古郭正一崔融等皆以才
自名上元初同中書門下三品政出武氏因陽暗乞骸
骨卒集四十卷今存詩一首

奉和同太子監守違戀

高宗在東宮時元超為舍人太宗征高麗元超

韓王元嘉同太子監守賦
違應詩一本作薛收詩誤

儲禁銅扉啟宸行玉駄

一作輶

遙空懷壽街吏尚隔寢門

朝壯首瞻龍戟塵外想鸞鑣飛文映仙榜

一作

歷思一作語

濟惠叶神飈帝念紆蒼璧

一作陞

乾文煥紫霄歸

一作雲

塘橫

筆海平圃振詞條欲應重輪曲鏘洋韻九韶

蕭翼

蕭翼本名世翼太宗時命為監察御史充使取義之蘭亭序真蹟於越僧辨才翼初作壯人南遊一見欵密留

宿設酒酣樂探韻賦詩既而以術取其書以歸詩一首

答辨才探得招字

邂逅欵良宵殷勤荷勝招彌天俄若舊初地豈成遙酒
蟻輕還泛心猿躁似調誰憐失羣鴈長苦業風飄

歐陽詢

歐陽詢字信本潭州臨湘人博貫經史工書仕隋為太
常博士高祖徵時引為賓客及即位累遷給事中武德
七年詔與裴矩陳叔達撰藝文類聚一百卷貞觀初官

至太子率更令詩一首

道失

已惑孔貴嬪又被辭人侮
花牋一何榮七字誰曾許
不下結綺閣空迷江令語
凋戈動地來悵殺陳後主

統戴云此

首見戲
鴻堂帖

閣立本

閣立本雍州萬年人太宗時為主爵郎顯慶中累官將
作大匠代兄立德為工部尚書總章初遷右相後改中

書令立本有應務才尤善圖畫工於寫真秦府十八學士圖及貞觀中凌煙閣功臣圖並其跡也詩一首

巫山高

一作閣
復本詩

君不見巫山高半天起絕壁千尋盡一作畫相似君不見巫山磕匝翠屏開湘江碧水遶山來綠樹春嬌明月峽紅花朝覆白雲臺臺上朝雲無定所此中窈窕神仙女仙女盈盈仙骨飛清容出沒有光輝欲暮高唐行雨送今宵定入荆王夢荆王夢裡愛穠華枕席初開紅帳

遮可憐欲曉啼猿處說道巫山是妾家

張文琮

張文琮貝州人高宗相文瓘之弟好自寫書筆不釋手貞觀中為侍書御史三遷亳州刺史為政清簡永徽中拜戶部侍郎出為建州刺史集二十卷今存詩六首

同潘屯田冬日早朝

假寐懷古人夙興瞻曉月通晨禁門啟冠蓋趨朝謁霜靄清九衢霞光照雙闕紛綸文物紀煥爛聲明發腰劍

動陸離鳴玉和清越

蜀道難

梁山鎮地險積石阻雲端深谷下寥廓層巖上鬱盤飛
梁駕絕嶺棧道接一作遠危巒攬轡獨長息方知斯路難

昭君怨

戒途飛萬里迴首望三秦忽見天山雪還疑上苑春玉
痕垂粉淚羅袂拂胡塵為得胡中曲還悲遠嫁人

詠水

標名資上善流派表靈長地圖羅四瀆天文載五潢方
流涵玉潤圓折動珠光獨有蒙園吏棲偃翫濠梁

賦橋

造舟浮渭日鞭石表秦初星文遙寫漢虹勢尚凌虛已
授文成履空題武騎書別有臨濠上棲偃獨觀魚

和楊舍人詠中書省花樹

花一作初萼映芳叢參差間早紅因風時落砌雜雨乍浮
空影照鳳池水香飄雞樹風豈不愛攀折希君懷袖中

御定全唐詩卷三十九

欽定四庫全書

欽定全唐詩卷四十

御定全唐詩卷四十

上官儀

上官儀字游韶陝州陝人貞觀初擢進士第召授弘文館直學士遷秘書郎太宗每屬文遣儀視藁私宴未嘗不預高宗即位為秘書少監進西臺侍郎同東西臺三品麟德元年坐梁王忠事下獄死儀工詩其詞綺錯婉媚人多效之謂為上官體集三十卷今編詩一卷

奉和過舊宅應制

石闢清晚夏璇輿御早秋神麾賜珠雨仙吹響飛流沛

水祥雲泛宛郊瑞氣浮大風迎一作凝

漢筑

一作

漢築

一作

漢築

一作

漢築

一作

漢築

舜球碧梧臨鳳邸滋蘭帶鶴舟偃伯歌玄化扈蹕頌王

遊遺簪謬昭

一作詔

獎珥筆荷恩休

早春桂林殿應詔

步輦出披香清歌臨太液曉樹流鶯滿春堤芳草積風

光

一作色

翻露文雪華上空碧花蝶來未已山光暖將夕

安德山池宴集

上路抵平津後堂羅薦陳
締交開狎賞麗席展芳辰
密樹風煙積迴塘荷芰新
雨霽虹橋晚花落鳳臺春
翠釵低舞席文杏散歌塵
方惜流觴滿夕鳥已城闕

酬薛舍人萬年宮晚景寓直懷友

奕奕九城臺窈窕絕塵埃
蒼蒼萬年樹玲瓏下冥霧
池色搖晚空巖花一作光斂餘煦清切丹禁靜浩蕩文河注

留連窮勝託夙一作風期睽善謳東望安仁省西臨子雲

閣長嘯披煙霞高步尋蘭若金狄掩通門雕鞍歸騎喧
燕姝對明月荆縠促芳尊別有青山路策杖訪王孫

奉和潁川公秋夜

汎寥空色遠芸黃淒序變涸浦落遵鴻長飈送巢燕千
秋流夕景萬籟含宵喚一作轉峻雉聆金柝層臺切銀箭

謝都督挽歌

漠漠佳城幽蒼蒼松檜暮魯幕飄欲卷宛駟悲還顧楚
挽一作繞廬山胡笳臨武庫悵然郊原靜煙生歸鳥度

八詠應制二首

啟重帷重帷照文杏翡翠藻輕花流蘇媚浮影瑤笙燕
始歸金堂露初晞風隨少女至虹共美人歸羅薦已擘
鴛鴦被綺衣復有葡萄帶殘紅豔粉映簾中戲蝶流鶯
聚窓外洛濱春雪迴巫峽暮雲來雪花飄玉輦雲光上
壁臺共待新妝出清歌送落梅

入叢臺叢臺裏春露滴瀝間深紅參差散輕素妝一作粉
蝶驚復聚黃鸝飛且顧攀折殊未已復值驚飛起送影

舞衫前飄香歌扇裏望望惜春暉行行猶未歸暫得佳遊趣更愁花鳥稀且學鳥聲調鳳管方移花影入鴛機

和太尉戲贈高陽公

薰爐御史出神仙雲鞍羽蓋下芝田紅塵正起浮橋路
青樓遙敞御溝前傾城比態芳菲節絕世相嬌是六年
慣是洛濱要解珮本是河間好數錢翠釵照耀銜雲髮
玉步逶迤動羅袜石榴絞帶輕花轉桃枝綠扇微風發
無情拂袂欲留賓詎恨深潭不可越天津一別九秋長

豈若隨聞三日香
南國自然乘掌上
東家復是憶王昌

王昭君

玉闌春色曉
金河路幾千
琴悲桂條上
笛怨柳花前
霧掩臨妝月

一作鳳

風驚入鬢蟬緘

一作裁

書待還使淚盡白

雲一作日
南天

詠雪應詔

禁園凝朔氣
瑞雪掩晨曦
花明樓鳳閣
珠散影娥池
飄素迎歌上
翻光一作花
向舞移幸因
千里映還繞
萬年枝

奉和山夜臨秋

殿帳清炎氣輦道含秋陰淒風移漢筑流水入虞琴雲
飛送斷鴈月上淨疎林滴瀝露枝響空濛煙壑深

江王太妃挽歌

黃鶴悲歌絕椒花清頌餘埃凝寫鄰鏡網結和扉魚銀
消風燭盡珠滅夜輪虛別有南陵路幽叢臨葉疎

故北平公挽歌

木落園林曠庭虛風露寒北里清音絕南陔芳草殘遠

氣猶標劒浮雲尚寫冠寂寂琴臺晚秋陰入井幹

高密長公主挽歌

湘渚韜靈跡娥臺靜瑞音鳳逐清簫遠鸞隨幽鏡沈霜

處華英

一作英

落風前銀燭侵寂寞平陽宅

一作館

月冷洞

房深

詠畫障

芳晨麗日桃花浦珠簾翠帳鳳凰樓蔡女菱歌移錦纓
燕姬春望上瓊鈎新妝漏影浮輕扇冶袖飄香入淺流

未減行雨

一作雲

荆臺下自比凌波洛浦遊

奉和秋日即目應制

上苑通平樂神池邇建章樓臺相掩映城闕互相望緹
油泛行幔簫吹轉浮梁晚雲含朔氣斜照一作陽 蘭秋光

落葉飄蟬影平流寫鴈行槿散凌風縟荷銷衰露香仙
歌臨彷詣玄豫歷長楊歸路乘明月千門開未央

入朝洛堤步月

脈脈廣川流驅馬歷長洲鵲飛山月曙蟬噪野風秋

春日

一作元
萬頃詩

花輕蝶亂仙人杏葉密鶯啼喧

一作
帝女桑飛雲閣上春

應至明月樓中夜未央

從駕問山詠馬

桂香塵處減練影月前空定感由

一作
乏函關吏徒嗟塞上

翁


御定全唐詩卷四十

謹案卷三十七第三頁後八行抽簾將益炬刊本

將訛持據東皋集改

第七頁前五行在京思故園見鄉人問按東皋集
作見鄉人遂以為問

第九頁前三行上自芝蘭徑刊本自訛月據東皋
集改



總校官庶吉士臣張能照
校對官檢討臣龔大萬

謄錄監生臣劉鳳樞



欽定四庫全書會要

集部

御定全唐詩卷四十四

一至四

欽定四庫全書
唐詩卷一萬七千四百四十六

集部

御定全唐詩卷四十一

盧照鄰

盧照鄰字昇之范陽人十歲從曹憲王義方授蒼雅調
登玉府典籤王有書十二車照鄰總披覽略能記憶王
愛重比之相如調新都尉染風疾去官居太白山以服
餌為事又客東龍門山疾甚足擎一手又廢乃去陽翟
具茨山下買園數十畝疏頽水周舍復豫為墓偃卧其

中後不堪其苦與親屬訣自投潁水死年四十嘗著五
悲文以自明有集二十卷又幽憂子三卷今編詩二卷

中和樂九章

歌登封第一

炎圖喪寶黃歷開璿祖武類帝宗文配天玉鑾垂日翠
華陵煙東雲千呂南風入弦山稱萬歲河慶千年金繩
永結辟麗長懸

歌明堂第二

穆穆聖皇雍雍明堂左平右堦上圓下方調均風雨制
度陰陽四牕八達五室九房南通夏火西臘秋霜天子

臨御萬玉鏘鏘

歌東軍第三

遐哉廟畧赫矣台臣橫戈碣石倚劍浮津風丘拂籜日
域清塵島夷復祀龍伯來賓休兵寓縣獻馘天闔旆海
凱入耀輝震震

歌南郊第四

虔郊上帝肅事圓丘龍駕四牡鸞旗九旂鐘歌晚引紫
燭高浮日麗蒼璧雲飛鳴球皇之慶矣萬壽千秋

歌中宮第五

祥遊沙麓慶洽瑤衣黃雲晝聚白氣宵飛居中履正稟
和體微儀刑赤縣演教椒闈陶釣萬國丹青四妃河洲
在詠風化攸歸

歌儲宮第六

波澄少海景麗前星高襟誕聖甲觀昇靈承規翠所問

寢瑤庭宗儒側席問道橫經山賓皎皎國胄青青黃裳

元吉邦家以寧

歌諸王第七

星陳帝子嶽列天孫義光帶礪象著乾坤我有明德利
建攸存苴以茅社錫以犧尊藩屏王室翼亮堯門八才
兩獻夫何足論

歌公卿第八

蹇蹇三事師師百寮羣龍在職振鷺盈朝豐金輝首珮

玉鳴腰青蒲翼翼丹地翹翹歌雲佐漢捧日匡堯天工

人代邈邈昭昭

總歌第九

明明天子兮聖德揚穆穆皇后兮陰化康登若木兮坐
明堂池濛汜兮家扶桑武化偃兮文化昌禮樂昭兮殷
肱良君臣已定兮君永無疆顏子更生兮徒皇皇若有
人矣天一方忠為衣兮信為裳食白玉兮飲瓊芳心思

荃兮路阻長

關山月

塞垣通碣石

一作陣

虜障

一作

抵祁連

一作

相思在萬里

一作

明月正孤

懸影移金岫

一作

北光斷玉門

一作

前寄言閨中婦

一作

時看鴻雁天

上之回

回中道路險蕭關烽候多五營屯北

一作右

地萬乘出西

河單于拜玉璽天子按雕戈振旅汾川曲秋風橫大歌

紫騮馬

騮馬昭金鞍轉戰入臯蘭塞門風稍急長城水正寒雪

暗鳴珂重山長噴玉難不辭橫絕漠流血幾時乾

戰城南

將軍出紫塞冒頓在烏貪笳喧雁門北陣翼龍城南
琿弓夜宛轉鐵騎曉參驛一作潭應須駐白日為待戰方酣

梅花落

梅嶺花初發天山雪未開雪處疑花滿花邊似雪迴因
風入舞袖雜粉向妝臺匈奴幾萬里春至不知來

結客少年場行

長安重遊俠洛陽富財雄玉劍浮雲騎金鞭一作明月
按

弓鬪雞過渭北走馬向關東孫賓遙見待郭解暗相通
不受千金爵誰論萬里功將軍下天上虜騎入雲中烽
火夜似月兵氣曉成虹橫行徇知已負羽遠從戎龍旌
昏朔霧鳥陣捲胡風追奔瀚海咽戰罷陰山空歸來謝
天子何如馬上翁

詠史四首

季生昔未達身辱功不成髡鉗為臺隸灌園變姓名幸

逢滕將軍兼遇曹丘生漢祖廣招納一朝拜公卿百金
孰云重一諾良匪輕廷議斬樊噲羣公寂無聲處才孤
且直遭時坦而平丈夫當如此唯唯何足榮

大漢昔云季小人道遂振玉帛委奄一作閣尹斧鎬嬰縉

紳邈哉郭先生卷舒得其真雍容謝朝廷談笑獎人倫
在晦不絕俗處亂不為親諸侯不得友天子不得臣冲
情甄負覲重價折角巾悠悠天下士相送洛橋津誰知

仙舟上寂寂無四鄰

公業負奇志交結盡才雄良田四百頃所食常不充一
為侍御史慷慨說何公何公何為敗吾謀適不同仲頴
恣殘忍廢興良在躬死人如亂麻天子如轉蓬干戈及
黃屋荆棘生紫宮鄭生運其謀將以清國戎時來命不
遂脫身歸山東凜凜千載下穆然一作如懷清風

昔有平陵男姓朱名阿游直髮上衝冠壯氣橫三秋願
得一作請斬馬劍先斷佞臣頭天子玉檻折將軍丹血流
捐生不肯拜視死其若休歸來教鄉里童蒙遠相求弟

子數百人散在十二州三公不敢吏五鹿何能酬名與
日月懸義與天壤儔何必疲執戟區區在封侯偉哉曠
達士知命固不憂

贈李榮道士

錦節銜天使瓊仙駕羽君投金翠山曲奠璧清江瀆圓
洞開丹闕方壇聚絳雲寶一作資 賦
貺幽難識空歌迥易分
風搖十洲影日亂九江文敷誠歸上帝應詔在明君獨
有南冠客耿耿泣離羣遙看入會所真氣曉氤氳

早度分水嶺

丁一作午年遊蜀道班贊

一作萬里

向長安徒費周王粟空彈

漢吏冠馬蹄穿欲盡貂裘敝

一作故

轉寒層冰橫九折積

石凌七盤重溪既下漱峻峯亦上千龍頭聞戍鼓嶺

一作作

雲外咽飛湍瑟瑟松風急蒼蒼山月圓傳語後來者斯

路誠獨難

三月曲水宴得尊字

風煙彭澤里山水仲長園由來棄銅墨本自重琴尊高

情邈不嗣雅道今復存有美光時彥養德坐山樊門開

芳杜逕室距

一作拒

桃花源公子黃金勒仙人紫氣軒長

懷去城市高詠狎蘭蓀連沙飛白鷺孤嶼嘯玄猿日影

巖前落雲花江上翻興闌車馬散林塘夕鳥喧

奉使益州至長安發鍾陽驛

躋

一作踰

險方未夷乘春聊騁望落花赴丹谷奔流下青

嶂

一作障

歲蕤曉

一作雜

樹滋滉瀢春江漲平川看釣侶狹

徑聞樵唱蝶戲綠苔前鶯歌白雲上耳目多異賞風煙

有奇狀峻阻埒長城高標吞巨舶

一作防

聯翩事羈羈

苦勞疲憊夕濟幾潺湲晨登每惆悵誰念復芻狗山河獨

偏喪

和王奭秋夜有所思

寂寂南軒夜悠然懷所知長河落雁苑明月下鯨池鳳
臺有清曲此曲何人吹丹唇間玉齒妙響入雲涯窮巷
秋風葉空庭寒露枝勞歌欲有和星鬢已將垂

望宅中樹有所思

我家有庭樹
秋葉正離離
上舞雙棲鳥
中秀合歡枝
勞思復勞望
相見不相知
何當共攀折
歌笑此一作堂垂

宿晉安亭

間有弦歌地
穿鑿本多奇
遊人試一覽
臨眺果忘疲
窗橫幕捲落一作葉簷
古生枝舊石開
紅蘚新河覆綠池
孤猿稍斷絕
宿百一作鳥復參差
汎灔月華曉裴回
星鬢垂今日刪書客
悽惶君詎知

于時春也慨然有江湖之思寄贈柳九龍

提琴一萬里負書三十年晨攀偃蹇樹暮宿清冷泉翔
禽鳴我側旅獸過我前無人且無事獨酌還獨眠遙聞
彭澤宰高弄武城弦形骸寄文墨意氣託神仙我有壺
中要題為物外篇將以貽好道道遠莫致旃相思勞日
夜相望阻風煙坐惜春華晚徒令客思懸水去東南地
氣凝西北天闊山悲蜀道花鳥憶秦川天子何時問公
卿本亦不_{一作}憐自哀還自樂歸藪復歸田海屋銀為棟

雲車電作鞭倘遇鸞將鶴誰論貂與蟬萊洲頻度淺桃

寶幾成圓寄言飛鳬寫歲宴同

一作聯翩

共

至望喜矚目言懷貽劍外知已

聖圖夷九折神化掩三分緘愁赴蜀道題拙奉虔筆隱
輶度深谷遙裏上高雲碧石流遞縈注青山互糾紛澗松
咽風緒巖花濯露文思北常依馭圖南每喪羣一木無
澗松四

句無由召宣室何以答吾君

赤谷安禪師塔

獨坐巖之曲悠然無俗紛酌酒呈丹桂思詩贈白雲煙

霞朝晚聚猿鳥歲

一作時聞水華競

一作鏡秋色山翠含

鏡

夕曛高談十二部細覈五千文如如數冥昧生生理氤

氤 一作氤古人有糟粕輪扁情未分且當事芝朮從吾所

好云

贈益府裴錄事

匆匆歲云暮相望限風煙長歌欲對酒危坐遂停弦停
弦變霜露對酒懷朋故朝看桂蟾晚夜聞鴻雁度鴻度
何時還桂晚不同攀浮雲映丹壑明月滿青山青山雲

路深丹壑月華臨耿耿離憂積空令星鬢一作髮侵

贈益府羣官

一鳥自北燕飛來向西蜀單棲劍門上獨舞岷山足昂
藏多古貌哀怨有新曲羣鳳從之遊問之何所欲答言
寒鄉子飄颻萬餘里不息惡木枝不飲盜泉水常思稻
梁遇願棲梧桐樹智者不我邀愚夫余不顧所以成獨
立耿耿歲云暮日夕苦風霜思歸赴洛陽羽翮毛衣短
關山道路長明月流客思白雲迷故鄉誰能借風便一

舉凌蒼蒼

送梓州高參軍還京

京洛風塵遠
衰斜煙露

一作霧

深北遊君似智南飛我異

禽別路琴聲斷秋水猿鳥吟一乖青巖酌空停白雲心

大劍送別劉石史

金碧禹山遠
闕梁蜀道難相逢屬晚歲相送動征鞍地
咽綿川冷雲凝劍閣寒倘遇忠孝所為道憶長安

同臨津紀明府孤雁

三秋違北地

一作雁

萬里向南翔河洲花稍白關塞葉初

黃避繳風霜勁懷書道路長水流疑箭動月照似弓傷
橫天無有陣度海不成行會刷能鳴羽還赴上林鄉

失羣雁

拜序

溫縣明府以雁詩垂示余以為古之郎官出宰百
里今之墨綬入應千官事止雁行未宜傷嘆至如
羸卧空巖者乃可為失羣慟耳聊因伏枕多暇以
斯文應之

三秋北地雪皚皚萬里南翔渡海來欲隨石燕沈湘水
試逐銅鳥繞帝臺帝臺銀闕距金塘中間鶴鷺已成行
先過上苑傳書信暫下中州戲稻梁虞人負繳來相及
齊客虛弓忽見傷毛翎頻頓一作顛
頸飛無力羽翮摧頽君
不識唯有莊周解愛鳴復道郊哥一作歌
頸重奇色惆悵驚
思悲未已裴回自憐中罔極傳聞有鳥集朝陽詎勝仙
鳬邇帝鄉雲間海上應鳴舞遠得鶡弦猶獨撫金龜全
寫中牟印玉鵠當發菜蕪金願君弄影鳳皇池時憶籠

中摧折羽

行路難

君不見長安城北渭橋邊
枯木橫槎卧古田
昔日含紅復含紫
當時留霧亦留煙
春景春風花似雪
香車玉輦恒闌咽
若箇遊人童一作丹不競攀
若箇娼家不來折
娼家寶袜蛟龍被
公子銀鞍千萬騎
黃鸝一向花嬌青鳥

雙雙將子戲千尺
長條百尺枝月一作丹

桂星一作榆相

青

淑虧珊瑚葉上鴛鴦鳥
鳳皇巢裏雛鶼兒
巢傾枝折鳳

淑虧珊瑚葉上鴛鴦鳥
鳳皇巢裏雛鶼兒
巢傾枝折鳳

歸去

一作巢傾
折鳳歸去

條枯葉落任

一作狂

風吹一朝零落無人

問萬古摧殘君詎知人生貴賤無終始倏忽須臾難久

恃誰家能駐西山日誰家能堰東流水漢家陵樹滿秦

川行來行去盡哀憐自昔公卿二千石咸擬榮華一萬

年不見朱唇將白

一作玉

貌唯聞素

一作青

棘與黃泉金貂

有時換美

一作便換

酒玉塵但

一作恒

搖莫計錢寄言坐客神

仙署一生一死交情處蒼龍闕下君不來白鶴山前我應去雲間海上邈難期赤心會合在何時但願堯年一

百萬長作巢由也不辭

長安古意

長安大道連狹斜青牛白馬七香車玉輦縱橫過王第
金鞭絡繹向侯家龍銜寶蓋承朝日鳳吐流蘇帶晚霞
百丈遊絲爭繞樹一羣嬌鳥共啼花啼花戲蝶千門側
碧樹銀臺萬種色複道交窗作合歡雙闕連甃垂鳳翼
梁家畫閣天中起漢帝金莖雲外直樓前相望不相知
陌上相逢詎相識借問吹簫向紫煙曾經學舞度芳年

得成比目何辭死願作鴛鴦不羨仙比目鴛鴦真可羨
雙去雙來君不見生憎帳額繡孤鸞好取門簾帖雙燕
雙燕雙飛繞畫梁羅幃翠被鬱金香片片行雲著蟬鬢
纖纖初月上鴉黃鴉黃粉白車中出含嬌含態情非一
妖童寶馬鐵連錢娼婦盤龍金屈膝御史府中烏夜啼
廷尉門前雀欲栖隱隱朱城臨玉道遙遙翠幙沒金堤
挾彈飛鷹杜陵北探丸借客渭橋西俱邀俠客芙蓉劍
共宿娼家桃李蹊娼家日暮紫羅裙清歌一轉口氛氲

北堂夜夜人如月南陌朝朝騎似雲
南陌北堂連北里五劇三條控三市
弱柳青槐拂地垂佳氣紅塵暗天起

漢代金吾千騎來翡翠屠蘇鸚鵡杯
羅襦寶帶為君解

燕歌趙舞為君開別有豪華稱將相
轉日回天不相讓

意氣由來排灌夫專權判不容蕭相
專權意氣本豪雄

青虬紫燕坐春生一作風自言歌舞長
千載自謂驕奢凌

五公節物風光不相待桑田碧海須臾
改昔時金階白

玉堂即今唯見青松在寂寂寥寥楊子居
年年歲歲一

牀書獨有南山桂花發飛來飛去襲人裾

明月引

洞庭波起兮鴻雁翔風瑟瑟兮樹蒼蒼浮雲卷靄明月
流光荆南兮趙北碣石兮瀟湘澄清規於萬里照離思
於千行橫桂枝於西第繞菱花於北堂高樓思婦飛蓋
君王文姬絕域侍子他鄉見胡鞍之似練知漢劍之如
霜試登高而騁一作極目莫不變而回腸

獄中學騷體

夫何秋夜之無情兮皎皎悠悠而太長圜戶杳其幽邃
兮愁人披此嚴霜見河漢之西落聞鴻雁之南翔山有
桂兮桂有芳心思君兮君不將憂與憂兮相積歡與歡
兮兩忘風嫋嫋兮木紛紛凋綠葉兮吹白雲寸步千里
兮不相聞思公子兮日將曛林已暮兮鳥羣飛重門掩
兮人徑稀萬族皆有所託兮蹇獨淹留而不歸

懷仙引

若有人兮山之曲駕青虬兮乘白鹿往從之遊願心足

披澗戶訪巖軒石瀨潺湲橫石徑松蘿翠靄掩松門下
空濛而無鳥上嶺巖而有猿懷飛閣度飛梁休余馬於
幽谷挂余冠於夕陽曲復曲兮煙莊遂行復行兮天路
長修途杳其未半飛雨忽以茫茫山塊軋磴一作連寨
攀石辟而無據泝泥溪而不前向無情之白日竊有恨
於皇天回行遵故道通川遍流潦回首望羣峰白雲正
溶溶珠為闕兮玉為樓青雲蓋兮紫霜表天長地久時
相憶千齡萬代一來遊

七日登樂遊故墓

四序周緹籥三正紀璿耀綠野變初黃賜山開曉眺中
天擢露掌匝地分星徼漢寢瞻遺靈秦江想餘弔蟻泛
青田酌鶯歌紫芝調柳色搖歲華冰文蕩春照遠迹謝
羣動高情符衆妙蘭遊澹未歸傾光下巖窈

釋疾文三歌

歲將暮兮歡不再時已晚兮憂來多東郊絕此麒麟筆
西山秘此鳳凰柯死去死去今如此生兮生兮奈汝何

歲去憂來兮東流水地久天長兮人共死明鏡羞窺兮
向十年駿馬停驅兮幾千里鱗兮鳳兮自古吞恨無已
茨山有薇兮頰水有漪夷為柏兮秋有實叔為柳兮春
向一作雨飛倏爾而笑汎滄浪兮不歸

御定全唐詩卷四十一

欽定四庫全書薈要卷一萬七千四百四十七

御定全唐詩卷四十二

盧照鄰

酬楊比部員外幕宿琴堂朝躋書閣率爾見贈

之作一作王維詩

維一
詩作

閒拂簷塵看鳴琴候月彈桃源迷漢姓松徑一作樹有秦

官空谷歸人少青山
背日寒羨君棲隱處遙望在
自一作

雲端

劉生

劉生氣不平抱劍欲專征報恩為豪俠死難在橫行翠羽裝刀鞘黃金飾一作鏗馬鈴一作纓但令一顧重不愴百

身輕

隴頭水

隴阪高無極征人一望

一作望故

鄉關河別去水沙塞斷歸

腸馬繫千年樹旌懸九月霜從來共嗚咽皆是為勤王

巫山高

巫山望不極

一作
零

望下朝氛

一作
零

莫辨啼猿樹徒看神女

雲驚濤亂水脉驟雨暗峯文雪裳

一作
衣

即此地況復遠

思君

芳樹

芳樹本多奇年華復在斯

結翠成新幄開紅滿故

一作
舊

枝風歸花

一作聲歷亂日度影參差容色

朝朝落思君君

不知

雨雪曲

虜騎三秋入闕雲萬里平雪似胡沙暗冰如漢月明高
闕銀為闕長城玉作城節旄零落盡天子不知名

昭君怨

合殿恩中絕交河使漸稀肝腸辭玉輦形影向金微一
作

歲漢地草應綠胡庭沙正飛願逐三秋雁年年一度歸

折楊柳

倡樓啟曙扉楊一作柳

固

正依依鶯啼知歲隔條變識春

歸露葉凝愁黛

一作啼臉

風花亂落

一作落

舞衣攀折聊將

一作將安

寄軍中音一作書

信稀

十五夜觀燈

錦里開芳宴
蘭缸艷早年
縟彩遙分地
繁光遠綴天
接漢疑星落
依樓似月懸
別有千金笑
來映九枝前

入秦川畧

龍阪長無極
蒼山望不窮
石徑繚疑斷
回流映似空花
開綠野霧鶯囀
紫巖風春芳勿遽
盡留賞故人同

文翁講堂

錦里淹中館岷山稷下亭空梁無燕雀古壁有丹青槐落猶疑市苔深不辨銘良哉二千石江漢表遺靈

相如琴臺

聞有雍容地千年無四鄰園院風煙古池臺松檣春雲
疑作賦客月似一作花影聽琴人寂寂啼鶯一作鳥處空傷遊

子神

石鏡寺

古墓芙蓉塔神銘一作明神松柏煙鸞沈仙鏡底花沒梵輪

前銖衣千古佛寶月兩重圓隱隱香臺夜鐘聲徹九天

辛法司一作宅觀妓

司法

南國佳人至北堂羅薦開長席隨鳳管促柱送鸞杯雲
光身後落雪態掌中回到愁金谷晚不怪玉山頹

春晚山莊率題二首

顧步三春晚田園四望通遊絲橫惹樹戲蝶亂依藜竹
懶偏宜水花狂不待風唯餘詩酒意當了一生中

田家無四鄰獨坐一園春鶯啼非選樹魚戲不驚綸山

水彈琴盡風花酌酒頻年華已可樂高興復留人

江中望月

江水向涪陽澄澄寫月光鏡圓珠溜徹弦滿箭波長沈
鈎搖兔影浮桂動丹芳延照相思夕千里共霜裳

元日述懷

一作明月引

筮仕無中秋歸耕有外臣人歌小歲酒花舞大唐春草
色迷三徑風光動四鄰願得長如此年年物候新

益州城西張超亭觀妓

落日明歌席行雲逐舞人江前飛暮雨梁上下輕塵治
服看疑畫粧樓望似春高車勿遽返長袖欲相親

還京贈別

風月清江夜山水白雲朝萬里同為客三秋契不凋戲
鳬分斷岸歸騎別高標一去仙橋道還望錦城遙

至陳倉曉晴望京邑

拂曙驅飛傳初晴帶曉涼霧斂長安樹雲歸仙帝鄉澗
流漂素沫巖景靄朱光今朝好風色延瞰極天莊

晚渡滹沱敬贈魏大

津谷朝行遠冰川夕望曛霞明深淺浪風卷去來雲澄
波泛月影激浪聚沙文誰忍仙舟上攜手獨思君
和吳侍御被使燕然

春歸龍塞北騎指雁門垂胡笳折楊柳漢使採燕一作條

支戍城聊一望花雪幾參差關山有新曲應向笛中吹

七夕泛舟二首

汀河一作葭肅徂暑江樹起初涼水疑通織室舟似泛仙

潢連橈渡急響鳴櫂下浮光日晚菱歌唱風煙滿夕陽
鳳杼秋期至鳬舟野望開微吟翠塘側延想白雲隈石
似支機罷槎疑犯宿來天潢殊漫漫日暮獨悠哉

西使兼送孟學士南遊

地道巴陵北天山弱水東相看萬餘里共倚以一作一征

蓬零雨悲王粲清尊別孔融裴回聞夜鶴悵望待秋鴻
骨肉胡秦外風塵關塞中唯餘劍鋒在耿耿氣成虹

送鄭司倉入蜀

離人丹水北遊客錦城東別意還一作客恨良無已離憂自

不窮隴雲朝結陣江月夜臨空關塞疲征馬霜氛落早

鴻濤年三十外蜀道五千中送君秋水曲酌酒對清風

綿州官池贈別同賦灣字

輶軒遵上國仙佩下靈

一作雲

闕尊酒方無地聯繾喜暫攀

離言欲贈策高辨正連環野逕浮雲斷荒池春草斑殘

花落古樹度鳥入澄灣欲叙他鄉別幽谷有綿蠻

還赴蜀中貽示京邑遊好

籞宿花初滿章臺柳向

一作尚

飛如何正此日還望

一作喜

昔多違悵別風期阻將乖雲會稀欽社辭丹闕懸旗

一作

津陟翠微野禽喧戍鼓春草變征衣回顧長安道關山

起夕霏

初

一作和

夏日幽莊

聞有高蹤客耿介坐幽莊林壑人事少風煙鳥路長瀑
水含秋氣垂藤引夏涼苗深全覆隴荷上半侵塘釣渚
青鳧沒村田白鷺翔知君振奇藻還嗣海隅芳

山莊休沐

一作和夏

日山莊

簾署乘閒日蓬扉狎遁棲龍柯踈玉井鳳葉下金堤川
光搖水箭山氣上雲梯亭幽聞唳鶴窗曉聽鳴雞玉軫
臨風奏瓊漿映月擣田家自有樂誰肯謝青溪

山林休日田家

歸休乘暇日鑪稼返秋場徑草疏王簪巖枝落帝桑耕
田虞訟寢鑿井漢機忘戎葵朝委露齊棗一作
暮草夜含霜

南澗泉初冽東籬菊正芳還思北窗下高卧偃羲皇

宴梓州南亭得池字

二條開勝迹大隱叶沖規亭

一作齊

閣分危岫樓臺遶曲

池長薄秋煙起飛梁古蔓垂水鳥翻荷葉山蟲咬

一作交

桂枝遊人惜將晚公子愛忘疲願得回三舍琴尊長若

斯

山行寄劉李二參軍

萬里煙塵客三春桃李時事去紛無限愁來不自持狂

歌欲嘆

一作道

鳳失路反占龜草凝人行緩花繁鳥度遲

彼美參卿事留連求友詩安知倦遊子兩鬢漸如絲

首春貽京邑文士

寂寂罷將迎門無車馬聲橫琴答山水披卷閱公卿忽聞歲云晏倚杖出簷楹寒辭楊柳陌春滿一作別鳳皇城

梅花扶院吐蘭葉遶階生覽鏡改容色藏書留姓名時來不假問生死任交情

贈許左丞從駕萬年宮

聞道上之回詔蹕下蓬萊中樞移北斗左轄去南臺黃

山聞鳳笛

一作吹

清蹕侍龍媒曳日朱旗卷參雲金障開

朝參五城柳夕宴柏梁杯漢時光如月秦祠聽似雷寂

寂芸香閣離思獨悠哉

晚渡渭橋寄示京邑遊好

我行背城闕驅馬獨悠悠寥落百年事裴回萬里憂途
遙日向夕時晚鬢將秋滔滔俯東逝耿耿泣西浮長虹
掩釣浦落雁下星洲草變黃山曲花飛清渭流逆水驚
愁鶯騰沙起狎鷗一赴清泥道空思玄灞遊

羈卧山中

卧壑迷時代行歌任死生紅顏意氣盡白璧故交輕澗
戶無人跡山窗聽鳥聲春色緣巖上寒光入溜平雪盡
松帷暗雲開石路明夜伴飢鼯宿朝隨馴雉行度溪猶
憶處尋洞不知名紫書常日閱丹藥幾年成扣一作鐘
鳴天鼓燒香厭地精倘遇過浮丘鶴飄飄凌太清

酬張少府東之

昔余與夫子相遇漢川陰珠浦龍猶卧檀溪馬正沈價

重瑤山曲詞驚丹鳳林十年睽賞慰萬里隔招尋毫翰
風期阻荆衡雲路深鵬飛俱望昔蠖屈共悲今誰謂青
衣道還嘆白頭吟地接神仙磽江連雲雨岑飛泉如散
玉落日似懸金重以瑤華贈空懷舞詠心

過東山谷口

不知名利險辛苦滯皇州始覺飛塵倦歸來事綠疇桃
源迷處所桂樹可淹留跡異人間俗禽同海上鷗古苔
依井被新乳傍崖流野老堪成鶴山神或化鳩泉鳴碧

澗底花落紫巖幽日暮食龜殼天寒御鹿裘不辨秦將漢寧知春與秋多謝青溪客去去赤松遊

送幽州陳參軍赴任寄呈鄉曲父

一作故老

薊北三千里關西二十年馮唐猶在漢樂毅不歸燕人同黃鶴遠鄉共白雲連郭隗池臺處昭王尊酒前故人當已老舊壑桑成田紅顏如昨日衰鬢似秋天西蜀橋應毀東周石尚全灞池水猶綠榆關月早圓塞雲初上雁庭樹欲銷蟬送君之舊國揮淚獨潸然

哭金部韋郎中

金曹初受拜玉地始含香翻同五日尹遽見一星亡賀
客猶扶路哀人遂上堂歌筵長寂寂哭位自一作日蒼蒼

歲時賓徑斷朝暮雀羅張書留魏主闕魂掩漢家牀徒
令永平帝千載罷撞郎

哭明堂裴主簿

締歡三十載通家數百年潘揚稱代穆秦晉忝姻連風
雲洛陽道花月茂陵田相悲共一作復相樂交騎復一作共

交筵始謂調金鼎如何掩玉泉黃公酒壚處青眼竹林
前故琴無復雪新樹但生煙遽痛蘭襟斷徒令寶劍懸
客散同秋葉人亡似夜川送君一長慟松臺路幾千

同崔錄事哭鄭員外

文學秋天遠郎官星位尊伊人表時彥飛譽滿司存楚
席光文雅瑤山侍討論鳳詞凌漢閣龜辯罩周園已陪
東嶽駕將逝北溟鯤如何萬化盡空嘆九飛魂白馬西
京驛青松北海門夜臺無曉箭朝奠有虛尊一代儒風

沒千年龍霧昏梁山送夫子湘水弔王孫僕本多悲淚
沾裳不待猿聞君絕弦曲吞恨更無言

登玉清

絕頂橫臨日孤峰半倚天襄回拜真老萬里見風煙

曲池荷

浮香繞曲岸圓影覆華池常恐秋風早飄零君不知

浴浪鳥

獨舞依磐石羣飛動輕浪奮迅碧沙前長懷白雲上

臨階竹

封霜連錦砌防露拂瑤階
聊將儀鳳質暫與俗人諧

含風蟬

高情臨爽月急響送秋風
獨有危冠意還將衰鬢同

葭川獨泛

倚櫂春江上橫舟石岸前
山暝行人斷追追獨泛仙

送二兄入蜀

關山客子路花柳帝王城
此中一分手相顧憐無聲

宿玄武二首

方池開曉色圓月下秋陰已乘千里興還撫一弦琴
庭搖北風柳院繞南溟禽累宿恩方重窮秋嘆不深

九龍津集

落落樹陰紫澄澄水華碧復有翻飛禽裏回疑曳鳥
遊昌化山精舍

寶地乘峰出香臺接漢高稍覺真途近方知人事勞

登封大酺歌四首

明君封禪日重光天子垂衣歷數長九州四海常無事
萬歲千秋樂未央

日觀仙雲隨鳳輦天門瑞雪照龍衣繁弦綺席方終夜
妙舞清歌歡未歸

翠鳳逶迤登介丘仙鶴裴回天上遊借問乾封何所樂
人皆壽命得千秋

千年聖主應昌期萬國淳風王化基請比上古無為代
何如今日太平時

九月九日登玄武山

九月九日眺山川
歸心歸望積風煙
他鄉共酌金花酒
萬里同悲鴻雁天

句

城狐尾獨束
山鬼面參覃

詩式

御定全唐詩卷四十二

欽定四庫全書叢要卷一萬七千四百四十八

集部

御定全唐詩卷四十三

李百藥

李百藥字重規定州安平人七歲能屬文隋時襲父德
林爵為太子通事舍人兼學士煬帝銜之奪爵還鄉里
唐太宗重其名拜中書舍人授太子右庶子卒謚曰康
百藥藻思沈鬱尤長五言雖樵童牧子亦皆吟諷及懸
車告老穿池築山文酒譚詠以盡平生之志詩一卷

少年行

詞

一作

少年飛翠蓋上路勒

一作動金鑞

紀事文粹

始酌文君酒

新吹弄玉簫少年不歡樂何以盡芳朝

此二句

一作少

年子歌樂盡今

千金笑裏面一搦掌

一作抱

中腰挂纓

一作冠

豈憚宿落

珥

一作迎耳

不勝嬌寄語

一本無此二字

少年子無辭歸路遙

渡漢江

東流既彌彌南紀信滔滔水激沈碑岸波駭弄珠翠含
星映淺石浮蓋下奔濤溜闊霞光近川長曉氣高檣烏

轉輕翼戲鳥落風毛客心既多緒長歌且代勞

秋晚登古城

日落征途遠悵然臨古城頽墉寒雀集荒堞晚鳥驚蕭
森灌木上迢遞孤煙生霞景煥餘照露氣澄晚清秋風
轉搖落此志安可平

途中述懷

伯喈遷塞北亭伯之遼東伊余何為客獨守雲臺中途
遙已日暮時泰道斯窮拔心悲岸草半死落巖桐目送

衡陽雁情傷江上楓福兮良所伏今也信難通丈夫自有志寧傷官不公

郢城懷古

客心悲暮序登墉瞰平陸林澤窅芊綿山川鬱重複王

公霸一作功

資設險名都拒江隩方城次北門溟海窮南服

長策挫吳豕雄圖競周鹿萬乘重沮漳九鴟輕伊穀

紀事

二句無此

大蒐雲夢掩峰一作

壯觀章華築人世更盛衰吉凶

良倚伏遽見鄰交斷仍覩賢臣逐南風忽不競西師日

侵虜是運圯屬馳驅時屯恣敵朴莫救夷陵火無復秦庭

哭郿郢遂丘墟風塵俄慘黯狐兔時遊踐霜露日霏沐

釣渚故

一作曲

池平神臺層宇覆陣雲埋夏首窮陰慘荒

谷帳矣舟壑遷悲哉年紀倏雖異三春望終傷千里目

晚渡江津

寂寂江山晚蒼蒼原野暮春秋氣懷易悲長波森難泝索
索風葉下離離早鴻度丘壑列夕陰葭菼凝寒霧日落
亭皋遠獨此懷歸慕

一作暮

王師渡漢水經襄陽

導漾疏源遠歸海會流長延波接荆夢通望邇沮漳高
岸沈碑影曲渝麗珠光雲昏翠島沒水廣素濤揚閬川
已多歎遐睇樂增傷臨谿猶駐馬望峴欲霑裳喬木下
寒葉亭林落曉霜山公不可遇誰與訪高陽

謁漢高廟

纂堯靈命啓滅楚餘閏

一作閏

終飛名膺帝籲沈

一作汎

迹

韞神功瑞氣朝浮陽祥符夜告豐抑揚駕人傑叱咤掩

時雄綺構三靈改經綸五緯同干戈草宇內聲教盡寧
中運謝年逾遠魂歸道未窮樹碑留故邑抗殿表祠宮
沐蘭祈泗上

一作上祀

謁帝動深衷英威肅如在文物杳成

空竹皮聚寒徑粉社落霜叢蕭索陰雲晚長川起大風

登葉縣故城謁沈諸梁廟

總轡臨秋原登城望寒日煙霞共掩映林野俱蕭瑟楚
塞鬱不窮吳山高漸出客行殊未已沐澡期終吉椒桂
奠芳樽風雲下虛室館宇肅而靜神心康且逸伊我非

真龍勿驚疲朽質

安德山池宴集

安德楊師道封號

朝宰論思暇高宴臨方塘雲飛鳳臺管風動令君香細
草開金埒流霞泛羽觴虹橋分水態鏡石引菱光上才
同振藻小技謬連章懷音自蘭室徐步返山莊

和許侍郎遊昆明池

一本無許字

神池望不_{北一作}極滄波接遠天儀星似河漢落景類虞

泉年深平館宇道泰偃戈船差池下鳬雁掩映生雲煙

浪花開已合風文直且連稅馬金堤外橫舟石岸前羽
觴傾綠蟻飛日落紅鮮積水浮深智明珠曜雅篇大鯨
方遠擊沈灰獨未然知君嘯儔侶短翮徒聯翩

賦得魏都

炎運精華歇清都寶命開帝里三方盛王庭萬國來玄
武疏遙磴金鳳上層臺乍進仙童藥時傾避暑杯南館
招奇士西園引上才還惜劉公幹疲病清漳隈

賦禮記

王帛資王會郊丘叶聖情重廣

一作典

開環堵至道軼金

簾盤薄依厚地遙裔騰太清方悅升中禮足以慰餘生

奉和正日臨朝應詔

化歷昭唐典承天順夏正百靈警朝禁

一作軒

三辰揚旆

旌充庭富禮樂高識齒簪纓獻壽符萬歲移風韻九成

妾薄命

團扇秋風起長門夜月明羞聞拊背入恨說舞腰輕太

常先一作應已醉劉君恒帶醒橫陳每虛設吉夢竟何成

火鳳詞二首

歌聲扇後

一作裏

出妝影鏡

一作扇

中輕未能令掩笑何處

欲障聲知音自不惑得念是分明莫見雙嚙歛疑人含

笑情

佳人靚晚妝清唱動蘭房

影出一作入

含風扇聲飛照日梁

嬌嚬眉際歛逸韻口中香自有橫陳會

一作分

應憐秋夜長

奉和初春出遊應令

鳴笳出望苑飛蓋下芝田水光浮落照霞彩淡輕煙柳

色迎三月梅花隔二年日斜歸騎動餘興滿山川

寄楊公

公子盛西京光華早著名分庭接遊士虛館待時英高閣浮香出長廊寶釧鳴面花無隔笑歌扇不障聲

戲贈潘徐城門迎兩新婦

秦晉稱舊匹潘徐有世親三星宿已會四德婉而嬪雲光鬢裏薄月影扇中新年華與妝面共作一芳春

送別

眷言一杯酒悽愴起離憂夜花飄露氣暗水急還流雁
行遙上月蟲聲迴映一作應
秋明日一作月河梁上誰與論

仙舟

雨後

晚來風景麗晴初物色華薄雲向空盡輕虹逐望斜後
窗臨岸竹前階枕浦沙寂寥無與晤尊酒論一作對
風花

文德皇后挽歌

襄回兩儀殿悵望九成臺玉輦絳辭宴瑤筐遂不開野

曠陰風積川長思鳥來寒山寂已暮虞殯有餘哀

詠蟬

清心自飲露哀響乍吟風未上華冠側先驚
醫羽禁中

詠螢火示情人

窗裏憐燈暗堦前畏月明不辭逢露濕祇為重宵行

春眺

疲疴荷拙患淪躡合幽襟栖息在何處丘中鳴素琴

句

今日持團扇非是為秋風

賦得班去趙姬升見詩式

御定全唐詩卷四十三